



Pranuar / Dorezuar Prilimor/Predata Received/Delivery	09.03.2022	2	viti god year
Organ /Njësia Organ /Jedinita Org./Unit	Nr Prot Bil Prot Prot No	Shtesa Prilog Appendix	Sasia Kolicina Quantity
SKUPSHTRK	1255/2022		113



## Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBEKOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.54/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin e Ankesave në përbërje nga: Malsore Gashi BAJRAKTARI -kryetare, Eshref Shabani dhe Jeton Koca-anëtarë si dhe Valentina Kaçandolli Bekteshi-Zyrtare e Lartë për Bashkëpunim Profesional në cilësinë e procesmbajtëses, kanë shqyrtuar ankesën me numër A.nr.54/2022 të datës 24.01.2022 e parashtruar nga ankuesi

Komuna e Fushë Kosovës, në çështjen juridike "kërkesë nga marrëdhënia e punës", kundër organit të punësimit Komuna e Fushë Kosovës, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datën 08.03.2022, mori këtë

### V E N D I M

**REFUZOHET** si e pabazuar ankesa me numër A.nr.54/2022 e datës 24.01.2022, e parashtruar nga ankuesi

### A r s y e t i m

Ankuesi i punësuar në Komunën e Fushë Kosovës në pozitën "Udhëheqës i Auditimit të Brendshëm", sipas Akt Emërimit pa afat me numër 730 të datës 07.07.2016 me gradën 6, me datë 03.09.2021 ka parashtruar ankesë tek Kryetari i Komunës dhe te Komisioni për Ankesa dhe Parashtresa në Komunën e Fushë Kosovës me pretendim ankimor lidhur me unifikimin e koeficientit nga grada 15 në gradën 20 në nivelin e komunave tjera për pozitën e Drejtorit të Njesisë së Auditimit të Brendshëm.

I pa kënaqur me mos përgjigje nga ana e organit të punësimit ankuesi me datë 13.10.2021 ka parashtruar ankesë me numër të protokollit 5012/2021 në Këshillin e Pavarur Mbikëqyrës për Shërbimin Civil të Kosovës kundër mos harmonizimit të pagës dhe koeficientit nga grada 15 në gradën 20 si dhe kundër heshtjes administrative nga ana e Komunës së Fushë Kosovës.

Kolegji për shqyrtimin dhe vendosjen e ankesave, me datë 08.12.2021 merr vendimin me të cilin detyrohet Kryetari i Komunës së Fushë Kosovës, që të bëjë rishqyrtimin e ankesës së datës

03.09.2021 të parashtruar nga ankuesi Shyqëri Krasniqi, pas marrjes së këtij vendimi Kryetari i Komunës së Fushë Kosovës merr vendimin me numër 05 datë 10.01.2022 me të cilin vendim refuzohet ankesa për ngritjen e koeficientit për ankuesin [REDACTED]

Ankuesi i pa kënaqur me vendimin me numër 05 të datës 10.01.2022 të Kryetarit të Komunës së Fushë Kosovës, me datë 24.01.2022 parashtron ankesë me numër të protokollit 306/2022 me të cilën ankesë ankuesi kërkon unifikimin e pagës dhe koeficientit nga grada 15 në 20 në nivelin e Drejtorit të Auditimit konformë Ligjit 02/L-74 për Auditimin e Brendshëm, Ligjit 03/L-128 për Auditimin e Brendshëm dhe të Ligjit Nr.06/L-021 për Kontrollin e Brendshëm të Financave Publike dhe në nivelin e Komunave tjera në Kosovë që nga data 29.03.2012.

*Kolegji për Shqyrtimin dhe Vendosjen e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova:* Ankesa e datës 24.01.2022 e parashtruar në Këshillin e Pavarur Mbikëqyrës për Shërbimin Civil të Kosovës; Vendimi i datës 10.01.2022 i Kryetarit të Komunës së Fushë Kosovës; Ankesa e ankuesit e datës 13.10.2021 e parashtruar në Këshillin e Pavarur Mbikëqyrës për Shërbimin Civil të Kosovës; Ankesa e datës 03.09.2021 për unifikimin e koeficientit të pagës në nivelin e komunave; Kontrata e punës me numër 111/08 e datës 30.12.2008; Akt Emërimi i ankuesit i datës 29.02.2012; Akt Emërimi i ankuesit i datës 07.07.2016 si dhe përgjigja në ankesë nga organi i punësimit.

Kolegji për shqyrtimin dhe vendosjen e ankesave, për vendosjes e kësaj çështje, pasi ka shqyrtuar të gjitha shkresat e lëndës të parashtruara nga palët, ka konstatuar se ankesa e ankuesit [REDACTED] është e *pa bazuar, sepse:*

Kolegji për shqyrtimin dhe vendosjen e ankesave, nga provat e lëndës ka konstatuar se ankuesi [REDACTED] ka nënshkruar kontratën e punës me Komunën e Fushë Kosovës me datë 30.12.2008 me numër të kontratës 111/08 në vendin e punës "Drejtor i Auditimit", pastaj me datë 29.03.2012 nënshkruan Akt Emërimin me numër 106 në vendin e punës "Auditor i Brendshëm" me gradë 15 si dhe me datë 07.07.2016 nënshkruan Akt Emërimin me numër 730 në vendin e punës "Udhëheqës i Auditimit të Brendshëm" Kodi AD/20 grada 6.

Kolegji për Shqyrtimin dhe Vendosjen e Ankesave, konstaton se neni 7 paragrafi 1 dhe 2 i Ligjit Nr. 03/L-147 për Pagat e Nëpunësve Civilë i cili përcakton se: *"Udhëheqësit e institucioneve të administratës publike ia propozojnë gradat e pozitive në institucionin e tyre ministrisë përgjegjëse për administratë publike, në bazë të rekomandimeve të personit përgjegjës për burime njerëzore në institucionin e tyre, i cili është përgjegjës për zbatimin e standardeve dhe procedurave për klasifikimin e vendeve të punës në Shërbimin Civil" dhe "Grada për secilin pozicion të punës dhe ndryshimet, miratohen nga Qeveria, me propozim të institucionit përkatës dhe aprovimit paraprak të ministrisë përgjegjëse për administratën publike dhe ministrisë përgjegjëse për financat",* rrjedhimisht Kolegji për shqyrtimin dhe vendosjen e ankesave, konstaton se ligjërisht ngritja e koeficienteve për nëpunësit civil, mund të bëhet vetëm nëpërmjet procedurave ligjore e që duhet të dëshmohet se institucioni ka planifikuar mjete buxhetore të miratuara nga ministria përgjegjëse për administratë publike respektivisht ministria përgjegjëse për financa, kështu përderisa nuk ka planifikim buxhetor apo nuk ka kërkesë nga institucioni ku nëpunësi civil është duke e ushtruar pozitën tek institucionet gjegjëse, atëherë përderisa nuk plotësohen kushtet e tilla ligjore nëpunësi civil paguhet me pagë siç është përcaktuar në aktin e



emërimin me të cilin ka themeluar marrëdhënien e tij të punës, siç parashihet me Ligjin Nr.03/L-147 për Pagat e Nëpunësve Civilë, respektivisht neni 9 paragrafi 1 përcakton se: *“Nëpunësit civil kanë të drejtë të marrin pagën bazë për numrin e orëve të përcaktuara në aktin e kontratës së punës”* dhe neni 19 të Ligjet Nr.06/L-114 për Zyrtarët Publikë, i cili përcakton se: *“Zyrtari publik ka të drejtë në pagë dhe shpërblim për punën e kryer, si dhe shtesa të përcaktuara me Ligjin e Pagave”*.

Bazuar në këto rrethana, Kolegji për shqyrtimin e ankesave, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në dispozitiv të këtij Vendimi.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
Lënda A.nr.54/2022

Valentina Kaçandolli Bekteshi

Zyrtare e Lartë për Bashkëpunim Profesional

Malsore Gashi BAJRAKTARI

Kryetare e Kolegjit



Vendimi i dërgohet;

- Ankuesit
- Kryetarit të Komunës së Fushë Kosovës;
- Udhëheqësit të Personelit në Komunën e Fushë Kosovës dhe
- Arkivit të KPMSHCK-së.

